

**UNIVERZITET U SARAJEVU**  
**- SENAT -**

Broj: 01-1596/15

Sarajevo, 25. 03. 2015. godine

**Z A P I S N I K**  
**SA 31. SJEDNICE SENATA**  
**ODRŽANE 25. 03. 2015. GODINE**

Prisutni članovi Senata: prof. dr. Muharem Avdispahić, rektor, prof. dr. Ugo Vlasisavljević, prof. dr. Dženan Đonlagić, prof. dr. Zehra Kreho i prof. dr. Faruk Mekić, prorektori, Samir Arnautović, student-prorektor, prof. Marina Finci, prof. Mersad Čuljević, prof. dr. Erdin Salihović (po ovlaštenju), prof. dr. Željko Šain, prof. dr. Narcis Behlilović, prof. dr. Zuhdija Hasanović, prof. dr. Nedžad Korajlić, prof. dr. Šaćir Filandra, prof. dr. Ifet Mahmutović, prof. dr. Samir Čaušević, prof. dr. Fatima Jusupović (po ovlaštenju), prof. dr. Davorka Završnik, prof. dr. Salih Fočo, prof. dr. Samir Dolarević (po ovlaštenju), prof. dr. Ejub Džaferović, prof. dr. Mirsad Dorić (po ovlaštenju), prof. dr. Ivan Čavlović, prof. dr. Uzeir Bavčić, prof. dr. Sabahudin Bajramović (po ovlaštenju), prof. dr. Borislav Petrović, prof. dr. Rifat Škrijelj, prof. dr. Sead Redžepagić, prof. dr. Mirza Dautbašić, prof. dr. Rizah Avdić (po ovlaštenju), prof. dr. Munib Tahirović, prof. dr. Darko Tomašević (po ovlaštenju), prof. dr. Naris Pojskić (po ovlaštenju), dr. Rasim Muratović, dr. Adnan Kadrić, dr. Alen Kalajdžija i Ismir Smajić (predstavnik SPUS-a u Grupaciji prirodno-matematičkih i biotehničkih nauka).

Ostali prisutni: dr. sc. Suvad Konaković, generalni sekretar Univerziteta u Sarajevu.

Odsutni: prof. dr. Husnija Kamberović, direktor Instituta za historiju, Ahmed Nurković, predsjednik SPUS-a, Bekir Rovčanin (predstavnik SPUS-a u Grupaciji medicinskih nauka), članovi.

Zasjedanje je počelo u 13,00 sati.

Predsjedavao je rektor prof. dr. Muharem Avdispahić.

Prije prelaska na usvajanje dnevnog reda za riječ se javio prof. dr. Željko Šain i zatražio da se pod tačkom „Razno“ obrati senatorima, što je i prihvaćeno.

Zatim je jednoglasno usvojen sljedeći

**D N E V N I R E D**

1. Usvajanje Zapisnika sa 30. redovne sjednice Senata Univerziteta u Sarajevu od 25. 02. 2015. godine
2. Rješenje o imenovanju dekana Prirodno-matematičkog fakulteta Univerziteta u Sarajevu
3. Izvještaj o radu integriranog Univerziteta u Sarajevu za 2014. godinu

4. a) Prijedlog obrazaca za plan i program rada integriranog Univerziteta u Sarajevu  
b) Prijedlog obrazaca za godišnji izvještaj o radu integriranog Univerziteta u Sarajevu
5. a) Izbori u akademska i naučna zvanja  
b) Raspisivanje konkursa za izbor akademskog osoblja  
c) Plan pokrivenosti nastave na trećim ciklusima studija na Filozofskom fakultetu Univerziteta u Sarajevu u studijskoj 2014/2015. godini  
d) Ekvivalencija izvršenih izbora  
e) Angažman gostujućih profesora
6. Doktorati nauka
7. a) Saglasnosti na nastavne planove i programe  
b) Liste kandidata upisanih na treći ciklus studija  
c) Inicijativa za osnivanje zajedničkog doktorskog studija *sociologija* Filozofskog fakulteta Univerziteta u Sarajevu i Nastavničkog fakulteta Univerziteta „Džemal Bijedić“ u Mostaru
8. Prijedlog sporazuma sa teološkim fakultetima
9. Izvještaj o radu Odbora za normativna pitanja
10. Međunarodna saradnja
11. Izdavačka djelatnost
12. a) Izvještaj Komisije za priznavanje inozemnih visokoškolskih kvalifikacija  
b) Obrazovanje komisije za akademsko priznavanje visokoškolske kvalifikacije
13. Informacije

## TOK SJEDNICE

### **Ad-1.**

Povodom usvajanja Zapisnika sa 30. redovne sjednice Senata Univerziteta u Sarajevu od 25. 02. 2015. godine, za riječ se javio prof. dr. Rifat Škrijelj i zatražio da se pod tačkom 5a) Zapisnika zaključak Senata korigira u smislu da je Senat prihvatio Elaborat za osnivanje zajedničkog interdisciplinarnog studija „Informatika u upravi“ u realizaciji Prirodno-matematičkog fakulteta Univerziteta u Sarajevu i Fakulteta za upravu, pridružene članice Univerziteta u Sarajevu, uz obavezu da se tekst korigira u skladu sa sugestijama iznesenim na sjednici, a ne da je Senat podržao inicijativu za pokretanje navedenog studija, kako je navedeno u Zapisniku.

Prof. dr. Muharem Avdišpahić je istakao da je zaključak Senata sačinjen u skladu sa vođenom diskusijom i nakon diskusije formuliranim pitanjem o kom se zatim glasalo. Zaključak Senata je proslijeđen 06. 03. 2015. godine Prirodno-matematičkom fakultetu i Fakultetu za upravu i na isti nije bilo nikakvih primjedbi.

Zatim je rektor pozvao članove Senata da se izjasne o tekstu Zapisnika.  
Uz 13 (trinaest) „suzdržanih“ glasova usvojen je Zapisnik sa 30. redovne sjednice Senata Univerziteta u Sarajevu od 25. 02. 2015. godine.

**Ad-2.**

Prof. dr. Muharem Avdispahić uručio je Rješenje o imenovanju prof. dr. Rifata Škrijelja za dekana Prirodno-matematičkog fakulteta Univerziteta u Sarajevu za drugi mandatni period od četiri godine (2015–2019. godine).

Mandatni period dekana prof. dr. Rifata Škrijelja počinje teći od 21. 04. 2015. godine.

**Ad-3.**

Jednoglasno je donesena

## **ODLUKA**

kojom se usvaja Izvještaj o radu Univerziteta u Sarajevu za 2014. godinu i isti se upućuje Upravnom odboru Univerziteta u Sarajevu na daljnje postupanje.

**Ad-4.**

Razmatrani su i prihvaćeni interni obrasci za izradu plana i programa rada Univerziteta u Sarajevu i interni obrasci za izradu godišnjeg izvještaja o radu Univerziteta u Sarajevu za 2015. godinu. Navedeni obrasci će biti u primjeni dok Ministarstvo za obrazovanje, nauku i mlade Kantona Sarajevo ne propiše obrasce predviđene Zakonom o visokom obrazovanju.

**Ad-5.**

**a) U skladu sa Zakonom o visokom obrazovanju Kantona Sarajevo, prečišćeni tekst, i Statutom Univerziteta u Sarajevu, Senat Univerziteta u Sarajevu izvršio je izbor u akademska zvanja i dao saglasnosti na izbore u naučna zvanja, kako slijedi:**

### **AKADEMIJA LIKOVNIH UMJETNOSTI**

**5.1.** Adi Karailo u zvanje asistenta za oblasti *crtanje i slikanje*.

**5.2.** Lea Jerlagić u zvanje asistenta za oblast *crtanje i slikanje*.

### **EKONOMSKI FAKULTET**

**5.3.** Dr. Fikret Hadžić u zvanje redovnog profesora za oblast *finansije*.

### **ELEKTROTEHNIČKI FAKULTET**

**5.4.** Dr. Mirko Škrbić u zvanje redovnog profesora za oblast *telekomunikacije*.

**5.5.** Dr. Smajo Bišanović u zvanje vanrednog profesora za oblast *elektroenergetika*.

**5.6.** Almir Marić, MA, u zvanje asistenta za oblast *telekomunikacije*.

### **FAKULTET ZA SAOBRAĆAJ I KOMUNIKACIJE**

**5.7.** Elma Avdagić, MA, u zvanje višeg asistenta za oblast *komunikacije*.

### **FILOZOFSKI FAKULTET**

**5.8.** Dr. Larisa Kasumagić-Kafedžić u zvanje docenta za oblast *metodika nastave engleskog jezika*.

5.9. Dr. Adijata Ibrišimović-Šabić u zvanje docenta za oblast *ruska književnost*.

#### **GRAĐEVINSKI FAKULTET**

5.10. Dr. Admir Mulahusić u zvanje vanrednog profesora za oblasti *kartografija i fotogrametrija i geodezija*.

5.11. Dr. Nedim Tuno u zvanje docenta za oblasti *kartografija i fotogrametrija i geodezija*.

#### **POLJOPRIVREDNO-PREHRAMBENI FAKULTET**

5.12. Dr. Fuad Gaši u zvanje vanrednog profesora za oblast *oplemenjivanje biljaka*.

#### **ORIJENTALNI INSTITUT**

5.13. Dr. Alma Omanović-Veladžić u zvanje naučnog saradnika za oblast *orijentalno-islamska kultura i civilizacija*.

5.14. Nihad Dostović u zvanje stručnog saradnika historičara osmaniste.

b) Date su saglasnosti za raspisivanje konkursa za izbore akademskog osoblja na: Akademiji scenskih umjetnosti, Arhitektonskom fakultetu, Elektrotehničkom fakultetu, Fakultetu za kriminalistiku, kriminologiju i sigurnosne studije, Fakultetu za saobraćaj i komunikacije, Građevinskom fakultetu, Mašinskom fakultetu, Medicinskom fakultetu, Muzičkoj akademiji, Poljoprivredno-prehrambenom fakultetu i Pravnom fakultetu Univerziteta u Sarajevu.

c) Data je saglasnost na izvedbene planove nastave za treće cikluse studija na Filozofskom fakultetu Univerziteta u Sarajevu u studijskoj 2014/2015. godini:

- doktorski studij iz historije (smjerovi: „Prostor Bosne i Hercegovine u kontekstu antičke Evrope i Mediterana“, „Historija srednjovjekovne Bosne“, „Historija Bosne i Hercegovine u osmanskome periodu (1463–1839)“, „Historija Bosne i Hercegovine u 19. i 20. stoljeću“),
- doktorski studij iz lingvističke bosnistike i
- doktorski studij iz psihologije.

d) Data je saglasnost na ekvivalenciju izvršenih izbora na Fakultetu za saobraćaj i komunikacije Univerziteta u Sarajevu.

e) Data je saglasnost na angažman gostujućih profesora na Filozofskom fakultetu Univerziteta u Sarajevu.

#### **Ad-6.**

#### **Doktorati – treći ciklus studija (doktorski studij)**

#### **Jednoglasno su donesene odluke kojima se obrazuju sljedeće komisije za ocjenu uvjeta kandidata i podobnosti teme doktorske disertacije:**

#### **EKONOMSKI FAKULTET**

6.1. Obrazuje se Komisija za ocjenu uvjeta kandidata mr. Amira Softića i podobnosti teme doktorske disertacije *Efekti regulacije bankarskog sistema EU na stabilizaciju poslovnih ciklusa i prevenciju finansijskih šokova u BiH* u sljedećem sastavu:

1. dr. Fikret Čaušević, redovni profesor, predsjednik
2. dr. Fikret Hadžić, vanredni profesor, član
3. dr. Rabija Somun-Kapetanović, redovni profesor, član
4. dr. Velid Efendić, docent, član i
5. dr. Željko Šain, vanredni profesor, član.

#### **FILOZOFSKI FAKULTET**

**6.2.** Obrazuje se Komisija za ocjenu uvjeta kandidata mr. Amele Dautbegović i podobnosti teme doktorske disertacije *Psihosocijalni faktori kao determinante prilagodbe studenata na studij* u sljedećem sastavu:

1. dr. Sibela Zvizdić, docent, predsjednik
2. dr. Nermin Đapo, vanredni profesor, član i
3. dr. Indira Fako, docent, član.

**6.3.** Obrazuje se Komisija za ocjenu uvjeta kandidata Kemala Bašića, MA, i podobnosti teme doktorske disertacije *Zvornički sandžak u 17. stoljeću* u sljedećem sastavu:

1. dr. Enes Pelidija, redovni profesor, predsjednik
2. dr. Edin Radušić, vanredni profesor, član i
3. dr. Husnija Kamberović, vanredni profesor, član.

#### **Jednoglasno su donesene odluke kojima se verificiraju sljedeći izvještaji komisija za ocjenu uvjeta kandidata i podobnosti teme doktorske disertacije:**

#### **EKONOMSKI FAKULTET**

**6.4.** Verificira se Izvještaj Komisije za ocjenu uvjeta kandidata Amera Čelje, MA, i podobnosti teme doktorske disertacije *Technology acceptance model (TAM) based approach to adoption and use of integrated business information systems*, koji je usvojen od Nastavno-naučnog vijeća Ekonomskog fakulteta Univerziteta u Sarajevu.

Odobrava se rad na doktorskoj disertaciji pod naslovom *Technology acceptance model (TAM) based approach to adoption and use of integrated business information systems*, kandidata Amera Čelje, MA.

**6.5.** Verificira se Izvještaj Komisije za ocjenu uvjeta kandidata mr. Lejle Turulje i podobnosti teme doktorske disertacije *Uticaj znanja, tehnologije i inovativnosti na uspjeh kompanije u „novoj ekonomiji“: Empirijska analiza na primjeru Bosne i Hercegovine*, koji je usvojen od Nastavno-naučnog vijeća Ekonomskog fakulteta Univerziteta u Sarajevu.

Odobrava se rad na doktorskoj disertaciji pod naslovom *Uticaj znanja, tehnologije i inovativnosti na uspjeh kompanije u „novoj ekonomiji“: Empirijska analiza na primjeru Bosne i Hercegovine*, kandidata mr. Lejle Turulje.

**6.6.** Verificira se Izvještaj Komisije za ocjenu uvjeta kandidata Aide Soko, MA, i podobnosti teme doktorske disertacije *Impact of decentralization on municipal efficiency in Bosnia and Herzegovina: Identifying key determinants in the light of current administrative and political deadlock*, koji je usvojen od Nastavno-naučnog vijeća Ekonomskog fakulteta Univerziteta u Sarajevu.

Odobrava se rad na doktorskoj disertaciji pod naslovom *Impact of decentralization on municipal efficiency in Bosnia and Herzegovina: Identifying key determinants in the light of current administrative and political deadlock*, kandidata Aide Soko, MA.

## **ELEKTROTEHNIČKI FAKULTET**

- 6.7.** Verificira se Izvještaj Komisije za ocjenu uvjeta kandidata Dinka Osmankovića, MA, i podobnosti teme doktorske disertacije *Generiranje trodimenzionalnih termalnih modela unutarnjih prostora zasnovano na fuziji laserskih i termovizijskih podataka*, koji je usvojen od Nastavno-naučnog vijeća Elektrotehničkog fakulteta Univerziteta u Sarajevu.

Odobrava se rad na doktorskoj disertaciji pod naslovom *Generiranje trodimenzionalnih termalnih modela unutarnjih prostora zasnovano na fuziji laserskih i termovizijskih podataka*, kandidata Dinka Osmankovića, MA.

- 6.8.** Verificira se Izvještaj Komisije za ocjenu uvjeta kandidata mr. Adnana Čaršimamovića i podobnosti teme doktorske disertacije *Modeliranje napona početka stacionarne korone zasnovano na mjerenjima električnog polja*, koji je usvojen od Nastavno-naučnog vijeća Elektrotehničkog fakulteta Univerziteta u Sarajevu.

Odobrava se rad na doktorskoj disertaciji pod naslovom *Modeliranje napona početka stacionarne korone zasnovano na mjerenjima električnog polja*, kandidata mr. Adnana Čaršimamovića.

## **FILOZOFSKI FAKULTET**

- 6.9.** Verificira se Izvještaj Komisije za ocjenu uvjeta kandidata Predraga Jovovića, MA, i podobnosti teme doktorske disertacije *Politička leksika i frazeologija u italijanskom jeziku*, koji je usvojen od Nastavno-naučnog vijeća Filozofskog fakulteta Univerziteta u Sarajevu.

Odobrava se rad na doktorskoj disertaciji pod naslovom *Politička leksika i frazeologija u italijanskom jeziku*, kandidata Predraga Jovovića, MA.

## **MAŠINSKI FAKULTET**

- 6.10.** Verificira se Izvještaj Komisije za ocjenu uvjeta kandidata mr. Mirsade Čakal i podobnosti teme doktorske disertacije *Procjena kontaminacije tla javnih dječijih parkova teškim metalima*, koji je usvojen od Nastavno-naučnog vijeća Mašinskog fakulteta Univerziteta u Sarajevu.

Odobrava se rad na doktorskoj disertaciji pod naslovom *Procjena kontaminacije tla javnih dječijih parkova teškim metalima*, kandidata mr. Mirsade Čakal.

- 6.11.** Verificira se Izvještaj Komisije za ocjenu uvjeta kandidata mr. Amre Hasečić i podobnosti teme doktorske disertacije *Numeričko modeliranje prenosa toplote zračenjem u višefaznim tokovima sa slobodnom površinom*, koji je usvojen od Nastavno-naučnog vijeća Mašinskog fakulteta Univerziteta u Sarajevu.

Odobrava se rad na doktorskoj disertaciji pod naslovom *Numeričko modeliranje prenosa toplote zračenjem u višefaznim tokovima sa slobodnom površinom*, kandidata mr. Amre Hasečić.

## **MEDICINSKI FAKULTET**

- 6.12.** Verificira se Izvještaj Komisije za ocjenu uvjeta kandidata mr. Sadata Pušine i podobnosti teme doktorske disertacije *Nivoi urokinaznog aktivatora plazminogena (uPA) i njegovog inhibitora (PAI-1) u serumu pri procjeni metastatskog potencijala molekularno različitih podtipova ranog invazivnog karcinoma dojke*, koji je usvojen od Nastavno-naučnog vijeća Medicinskog fakulteta Univerziteta u Sarajevu.

Odobrava se rad na doktorskoj disertaciji pod naslovom *Nivoi urokinaznog aktivatora plazminogena (uPA) i njegovog inhibitora (PAI-1) u serumu pri procjeni metastatskog*

*potencijala molekularno različitih podtipova ranog invazivnog karcinoma dojke, kandidata mr. Sadata Pušine.*

**Jednoglasno su donesene odluke kojima se obrazuju komisije za ocjenu doktorskih disertacija:**

**FILOZOFSKI FAKULTET**

**6.13.** Obrazuje se Komisija za ocjenu doktorske disertacije kandidata mr. Muhameda Nametka pod naslovom *Privilegovana zemaljska banka za Bosnu i Hercegovinu i njezina djelatnost 1895–1914. godine* u sljedećem sastavu:

1. dr. Zijad Šehić, redovni profesor, predsjednik
2. dr. Amila Kasumović, docent, član i
3. dr. Edin Radušić, vanredni profesor, član.

**6.14.** Obrazuje se Komisija za ocjenu doktorske disertacije kandidata Almira Marića, MA, pod naslovom *Antičko društvo na prostoru današnje Hercegovine* u sljedećem sastavu:

1. dr. Salmedin Mesihović, vanredni profesor, predsjednik
2. dr. Adnan Busuladžić, vanredni profesor, član i
3. dr. Enver Imamović, profesor emeritus, član.

**MUZIČKA AKADEMIJA**

**6.15.** Obrazuje se Komisija za ocjenu doktorske disertacije kandidata mr. Belme Šarančić-Nahodović pod naslovom *Alexander tehnika u akordeonizmu* u sljedećem sastavu:

1. mr. Danijela Gazdić, redovni profesor (Muzička akademija u Istočnom Sarajevu), predsjednik
2. dr. Senad Kazić, vanredni profesor, član
3. Geir Draugsvoll, redovni profesor (Royal Academy of Music, Kopenhagen, Danska), član
4. Radomir Tomić, redovni profesor (Filološko-umetnički fakultet u Kragujevcu, R Srbija), član i
5. dr. Almira Hadžović-Džuvo, vanredni profesor, član.

**Jednoglasno su donesene odluke kojima se obrazuju komisije za odbranu doktorskih disertacija:**

**ELEKTROTEHNIČKI FAKULTET**

**6.16.** Obrazuje se Komisija za odbranu doktorske disertacije kandidata mr. Vedrana Ljubovića pod naslovom *Algoritamski pristup u modeliranju kombinovane značajke za pretraživanje slika u JPEG kompresovanom domenu* u sljedećem sastavu:

1. dr. Zikrija Avdagić, redovni profesor, predsjednik
2. dr. Haris Šupić, vanredni profesor, član
3. dr. Samim Konjicija, vanredni profesor, član
4. dr. Željko Jurić, vanredni profesor, član i
5. dr. Samir Omanović, docent, član.

---

## **Doktorati nauka – predbolonjski**

### **Jednoglasno je donesena odluka kojom se obrazuje komisija za ocjenu uvjeta kandidata i podobnosti teme doktorske disertacije:**

#### **ELEKTROTEHNIČKI FAKULTET**

**6.17.** Obrazuje se Komisija za ocjenu uvjeta kandidata mr. Pamele Njemčević i podobnosti teme doktorske disertacije *Doprinos statističkoj procjeni parametara sporog fedinga* u sastavu:

1. dr. Borivoj Modlic, redovni profesor (Sveučilište u Zagrebu, R Hrvatska), predsjednik
2. dr. Vladimir Lipovac, redovni profesor, član i
3. dr. Mesud Hadžialić, vanredni profesor, član.

### **Jednoglasno je donesena odluka kojom se verificira izvještaj komisije za ocjenu uvjeta kandidata i podobnosti teme doktorske disertacije:**

#### **FAKULTET ZA SAOBRAĆAJ I KOMUNIKACIJE**

**6.18.** Verificira se Izvještaj Komisije za ocjenu uvjeta kandidata mr. Stipe Prlića i podobnosti teme doktorske disertacije *Prilog poboljšanju iskorištenja kapaciteta telekomunikacijske mreže.*

### **Jednoglasno su donesene odluke kojima se obrazuju komisije za ocjenu i odbranu doktorskih disertacija:**

#### **ELEKTROTEHNIČKI FAKULTET**

**6.19.** Obrazuje se Komisija za ocjenu i odbranu doktorske disertacije kandidata mr. Elvira Puriševića pod naslovom *Razvoj alata na bazi vještačke hibridne neuronske mreže za predviđanje sekundarne proteinske strukture korištenjem nehomolognog skupa proteina* u sljedećem sastavu:

1. dr. Davorka Završnik, redovni profesor, predsjednik
2. dr. Zikrija Avdagić, redovni profesor, član i
3. dr. Samir Omanović, docent, član.

**6.20.** Obrazuje se Komisija za ocjenu i odbranu doktorske disertacije kandidata mr. Ajle Merzić pod naslovom *Modeliranje konvencionalnih elektroenergetskih sistema u procesu tranzicije u novim uslovima rada* u sljedećem sastavu:

1. dr. Zijad Bajramović, docent, predsjednik
2. akademik Zijad Haznadar, profesor emeritus (Sveučilište u Zagrebu, R Hrvatska), član i
3. dr. Senad Smaka, docent, član.



## **FARMACEUTSKI FAKULTET**

**6.21.** Obrazuje se Komisija za ocjenu i odbranu doktorske disertacije kandidata mr. Tanje Dujic pod naslovom *Karakterizacija genetskih varijanti koje utječu na odgovor na terapiju metforminom kod pacijenata s tipom 2 dijabetesa* u sljedećem sastavu:

1. dr. Sabina Semiz, vanredni profesor, predsjednik
2. dr. Adlija Čaušević, redovni profesor, član i
3. dr. Fahir Bečić, vanredni profesor, član.

## **FILOZOFSKI FAKULTET**

**6.22.** Obrazuje se Komisija za ocjenu i odbranu doktorske disertacije kandidata mr. Selvire Draganović pod naslovom *Psihosocijalne determinante razvoda braka* u sljedećem sastavu:

1. dr. Enedina Hasanbegović-Anić, docent, predsjednik
2. dr. Ismet Dizdarević, profesor emeritus, član i
3. dr. Saša Drače, docent, član.

**6.23.** Obrazuje se Komisija za ocjenu i odbranu doktorske disertacije kandidata mr. Daniela Maleča pod naslovom *Osobine ličnosti i okolinski uslovi kao moderatori razvoja talenta* u sljedećem sastavu:

1. dr. Nermin Đapo, vanredni profesor, predsjednik
2. dr. Ismet Dizdarević, profesor emeritus, član i
3. dr. Indira Fako, docent, član.

**6.24.** Obrazuje se Komisija za ocjenu i odbranu doktorske disertacije kandidata mr. Nermine Čengić pod naslovom *O glagolskom aspektu u prijevodima na italijanski jezik romana Ive Andrića „Travnička hronika“* u sljedećem sastavu:

1. dr. Amela Šehović, vanredni profesor, predsjednik
2. dr. Jasmin Džindo, redovni profesor, član i
3. dr. Mirza Mejdanija, docent, član.

## **MEDICINSKI FAKULTET**

**6.25.** Obrazuje se Komisija za ocjenu i odbranu doktorske disertacije kandidata mr. Akifa Mlače pod naslovom *Uloga i značaj protokom uzrokovane vazodilatacije brahijalne arterije u detekciji i evaluaciji ateroskleroze u komparaciji sa koronarografijom* u sljedećem sastavu:

1. dr. Nedžad Mulabegović, profesor emeritus, predsjednik
2. dr. Mirza Dilić, redovni profesor, član
3. dr. Mehmed Kulić, docent, član i
- dr. Šekib Sokolović, vanredni profesor, zamjenik člana.

## **POLJOPRIVREDNO-PREHRAMBENI FAKULTET**

**6.26.** Obrazuje se Komisija za ocjenu i odbranu doktorske disertacije kandidata mr. Mersije Delić pod naslovom *Proučavanje introdukovanih stonih sorti vinove loze na području Vrapčića* u sljedećem sastavu:

1. dr. Milenko Blesić, vanredni profesor, predsjednik
2. dr. Agan Kojić, redovni profesor, član
3. dr. Semira Sefo, vanredni profesor (Univerzitet „Džemal Bijedić“ u Mostaru), član i
  - dr. Pakeza Drkenda, vanredni profesor, zamjenik člana.

## **PRAVNI FAKULTET**

**6.27.** Obrazuje se Komisija za ocjenu i odbranu doktorske disertacije kandidata mr. Almira Gagule pod naslovom *Sloboda ugovaranja kao instrument autonomne regulacije* u sljedećem sastavu:

1. dr. Abedin Bikić, redovni profesor, predsjednik
2. dr. Meliha Povolakić, vanredni profesor, član i
3. dr. Zinka Grbo, vanredni profesor, član.

### **Ad-7.**

#### **a) Saglasnosti na nastavne planove i programe**

- Uz 1 (jedan) glas „protiv“ i 1 (jedan) „suzdržan“ glas, data je saglasnost na nastavni plan i program prvog ciklusa studija (prema studijskom programu „3+2+3“) pod nazivom „Kompjuterske i informacijske tehnologije“ Odsjeka za komunikacije Fakulteta za saobraćaj i komunikacije Univerziteta u Sarajevu koji će se realizirati od studijske 2015/2016. godine.
- Data je saglasnost na izmjene i dopune nastavnog plana i programa prvog ciklusa studija na Odsjeku za automatiku i elektroniku, Odsjeku za elektroenergetiku, Odsjeku za računarstvo i informatiku i Odsjeku za telekomunikacije Elektrotehničkog fakulteta Univerziteta u Sarajevu.
- Data je saglasnost na izmjene i dopune nastavnog plana i programa prvog ciklusa studija (studijska 2008/2009. godina) Odsjeka za filozofiju Filozofskog fakulteta Univerziteta u Sarajevu.
- Data je saglasnost na izmjene i dopune nastavnog plana i programa drugog ciklusa studija (studijska 2013/2014. godina) Odsjeka za filozofiju Filozofskog fakulteta Univerziteta u Sarajevu.

#### **b) Liste kandidata upisanih na treći ciklus studija (doktorski studij)**

- Prihvata se lista primljenih kandidata za upis na treći ciklus studija (doktorski studij) u studijskoj 2014/2015. godini na Fakultetu za kriminalistiku, kriminologiju i sigurnosne studije Univerziteta u Sarajevu, broj: 01-01-909/15 od 10. 03. 2015. godine.
- Prihvata se lista primljenih kandidata za upis na treći ciklus studija, studijski programi: „Mašinske konstrukcije“, „Razvoj savremenih motora i vozila“, „Odbrambene tehnologije“ i „Nauka i tehnologija obrade drveta“ u studijskoj 2014/2015. godini na Mašinskom fakultetu Univerziteta u Sarajevu, broj: 06-VL-762/15 od 06. 03. 2015. godine.

- Prihvata se lista primljenih kandidata za upis na treći ciklus studija (doktorski studij) pod nazivom „Poljoprivredne nauke“ i „Prehrambene tehnologije“ u studijskoj 2014/2015. godini na Poljoprivredno-prehrambenom fakultetu Univerziteta u Sarajevu, broj: 01-6-352-3/2015 od 03. 03. 2015. godine.
- Prihvata se lista primljenih kandidata za upis na treći ciklus studija (doktorski studij) u studijskoj 2014/2015. godini na Pravnom fakultetu Univerziteta u Sarajevu, broj: 01-302/15 od 06. 03. 2015. godine.

c) Jednoglasno je donesena

### **ODLUKA**

kojom je podržana inicijativa Filozofskog fakulteta Univerziteta u Sarajevu za osnivanje zajedničkog doktorskog studija *sociologija* Filozofskog fakulteta Univerziteta u Sarajevu i Nastavničkog fakulteta Univerziteta „Džemal Bijedić“ u Mostaru, uz obavezu Filozofskog fakulteta Univerziteta u Sarajevu da u Odluci Nastavno-naučnog vijeća Filozofskog fakulteta Univerziteta u Sarajevu broj: 03-09/5 od 08. 01. 2015. godine izvrši ispravku člana 6. tako da glasi:

„Filozofski fakultet u Sarajevu i Nastavnički fakultet Univerziteta 'Džemal Bijedić' u Mostaru su saglasni da se upis kandidata izvrši na Filozofskom fakultetu Univerziteta u Sarajevu na kome će kandidati izvršiti i sve ostale obaveze“.

#### **Ad-8.**

Jednoglasno je donesena

### **ODLUKA**

kojom je data saglasnost na tekst sporazumnih ugovora o reguliranju položaja Fakulteta islamskih nauka i Katoličkog bogoslovnog fakulteta u Sarajevu u okviru Univerziteta u Sarajevu.

#### **Ad-9.**

Jednoglasno je donesena

### **ODLUKA**

kojom se prihvata Izvještaj o radu Odbora za normativna pitanja Univerziteta u Sarajevu za period od februara 2014. do februara 2015. godine.

#### **Ad-10.**

Prof. dr. Muharem Avdispahić informirao je članove Senata o:

- stipendijama za doktorante i postdoktorante u okviru Sporazuma o saradnji između Univerziteta u Sarajevu i Fondacije za unapređenje života ljudi (Malezija),
- pozivu Evropske univerzitetske asocijacije za dostavljanje sažetaka za 10. Evropski forum za osiguranje kvaliteta (EQAF) koji će se održati u Londonu od 19. do 21. novembra 2015. godine,
- Izjavi o transatlantskoj trgovini i ulaganju u partnerstvo i Sporazumu o trgovini uslugama koje je usvojilo Vijeće Evropske asocijacije univerziteta,
- održavanju ljetne škole Alpbacha o preduzetništvu za doktorante i postdoktorante (19–24. augusta 2015. godine).

- Članovi Senata su informirani da će predstavnici izdavača ELSEVIER predvođeni gospodinom Catalinom Teoharieom, menadžerom za jugoistočnu Evropu, prezentirati mogućnost probnog pristupa određenim članicama bosanskohercegovačkog nacionalnog konzorcija bazama podataka Scopus i Science Direct u Rektoratu Univerziteta u Sarajevu 1. aprila 2015. godine. Također, pod vrlo ograničenim uvjetima bit će data mogućnost korištenja baze podataka SciVal koja prati istraživačku performansu univerziteta.
- Senatori su informirani da će na osnovu potpisanog Sporazuma između Univerziteta u Sarajevu i Glavnog ureda Konfučijevih instituta 2. aprila 2015. godine biti upriličeno svečano otvaranje Konfučijevog instituta u Centru za interdisciplinarnu studiju Univerziteta u Sarajevu.
- Data je saglasnost na potpisivanje protokola o razmjeni u okviru programa „Mevlana“ između Univerziteta u Sarajevu i Univerziteta Uludağ (Turska).

#### **Ad-11.**

- Data je saglasnost da se udžbenik „Farmaceutska kemija 1“, editora prof. dr. Davorke Završnik i prof. dr. Marice Medić-Šarić te autora prof. dr. Davorke Završnik, doc. dr. Samije Muratović, doc. dr. Selme Špirtović-Halilović, mr. sc. Elme Veljović, Amara Osmanovića, mr. ph., dr. sc. Mirze Bojića i prof. dr. Marice Medić-Šarić (Farmaceutski fakultet), objavi kao univerzitetsko izdanje.
- Data je saglasnost da se udžbenik „Daljinska istraživanja – principi i primjena u prirodnim naukama“, autora prof. dr. Samira Đuga, doc. dr. Nusreta Dreškovića i doc. dr. Senada Odžaka (Prirodno-matematički fakultet), objavi kao univerzitetsko izdanje.
- Data je saglasnost da se udžbenik „Hromost kopitara i papkara“, autora prof. dr. Selme Filipović, mr. sc. Alana Maksimovića i Ismara Lutvikadića, dipl. vet. (Veterinarski fakultet), objavi kao univerzitetsko izdanje.
- Data je saglasnost da se udžbenik „Bakterijske bolesti ovaca i koza“, autora doc. dr. Amira Zahirovića, doc. dr. Behije Dukić, prof. dr. Hajrudina Beširovića, prof. dr. Maida Rifatbegovića i doc. dr. Nasira Sinanovića (Veterinarski fakultet), objavi kao univerzitetsko izdanje.
- Zbog unutrašnje preraspodjele obaveza prorektora Univerziteta u Sarajevu predloženo je da prof. dr. Faruk Mekić, prorektor za naučnoistraživački/umjetničkoistraživački rad Univerziteta u Sarajevu, bude imenovan za predsjednika Izdavačkog savjeta. Shodno navedenom jednoglasno je donesena

### **ODLUKA**

kojom se za predsjednika Izdavačkog savjeta, kao stručnog i savjetodavnog tijela Senata Univerziteta u Sarajevu, imenuje prof. dr. Faruk Mekić, prorektor za naučnoistraživački/umjetničkoistraživački rad Univerziteta u Sarajevu.

#### **Ad-12.**

- a) Usvojen je Izvještaj Komisije za provođenje postupka stručnog priznavanja inozemnih visokoškolskih kvalifikacija od 19. 03. 2015. godine.
- b) Jednoglasno je donesena

## ODLUKA

kojom se imenuje Komisija za akademsko priznavanje visokoškolske kvalifikacije *Bachelor of Arts* (glavni predmet studija: *Političke nauke*, drugi glavni predmet studija: *Marketing*), **kandidatkinje Nermin Memić**, diploma stečena 03. 05. 2003. godine na Saint Mar'y College of Ave Maria University, Orchard Lake, Sjedinjene Američke Države, u sastavu:

1. prof. dr. Fahira Fejzić-Čengić, Fakultet političkih nauka
2. prof. dr. Nermina Mujagić, Fakultet političkih nauka
3. prof. dr. Ešref Kenan Rašidagić, Fakultet političkih nauka
4. prof. dr. Danijela Martinović, Ekonomski fakultet
5. doc. dr. Jasmina Selimović, Ekonomski fakultet

Zadatak Komisije je da izvrši uvid u priloženu dokumentaciju za akademsko priznavanje, sačini izvještaj sa prijedlogom priznavanja te isti dostavi, u roku od 30 (trideset) dana, Senatu Univerziteta u Sarajevu na odlučivanje.

### **Ad-13.**

#### **Informacije**

Članovi Senata su informirani da je Federalni štab civilne zaštite dodijelio *Zahvalnicu* Univerzitetu u Sarajevu za uspješnu saradnju i doprinos u izgradnji sistema zaštite spašavanja ljudi i materijalnih dobara u Federaciji BiH.

Univerzitetu u Sarajevu je dodijeljena i *Zahvalnica* Općine Maglaj za nesebičnu pomoć tokom prošlogodišnjih poplava i klizišta na prostoru općine Maglaj.

#### **Razno**

Prof. dr. Željko Šain je predložio da Etički savjet Univerziteta preispita da li je došlo do kršenja Etičkog kodeksa u raspravi o prijedlogu Elaborata za osnivanje zajedničkog interdisciplinarnog studija „Informatika u upravi“ u realizaciji Prirodno-matematičkog fakulteta Univerziteta u Sarajevu i Fakulteta za upravu, pridružene članice Univerziteta u Sarajevu.

Rektor je istakao značaj poštivanja načela iz Etičkog kodeksa u javnom i profesionalnom djelovanju nastavnika, istraživača, umjetnika i svih zaposlenika Univerziteta u Sarajevu i njegovih organizacionih jedinica – fakulteta, akademija, instituta – kao i studenata te drugih osoba koje nisu zaposlenici Univerziteta, ali su svojim radom i djelovanjem povezani sa Univerzitetom.

Sjednica je završena u 15,00 sati.

#### **Rektor**

**Prof. dr. Muharem Avdispahić**

Zapisničar:

Alma Voloder-Madacki